

Oslo bisma Kari Veiteberg

Sárdni Biibbal 2019 ávvudeamis, Oslo duopmogirkus

Lávvardaga skábmamánu 16. beaivvi 2019; Sárdneteaksta: Joh 1,1–5,14

Ráhkis searvegoddi, lihku beaivái!

.....

Munnje lea stuorra illu leat mielde állaáiggálaččat ávvudeamen dan, go olles biibbal lea jorgaluvvon davvisámegillii, Biibbal 2019, dáppe Oslo duopmogirkus, gávpogis gos leat buot eanemus sámit.

Inge mun máhte jurddašit eambbo heivvolaš biibbalteavstta uskkádahkan dán beaivái go dan maid addo logaimet, Johannes evangeluma buot ovddimus sániid. Johannes roahkasma ja álgá áibbas álggus, “álggus lei Sátni, / Sátni lei Ipmila luhtte, / ja Sátni lei Ipmil.”

Gulaidetgo dan? Ipmil sátnin ovdalgo buot eará, ja juohke sajis ja maiddái dáppe ja dál. Dasgo Ipmil ii šaddan *dušše* sátnin, son šattai rumašin, olmmožin ja bodjii ja áibbas lahka. Sátni šattai rumašin: gárvodan oažžin.

Jurddaš maid dat máksá, siskilepmissit váimmustat, gullat iežat giela sárdnumin, gullat muhtima sártnodeamen *duinna* du iežat gillii iige *du birra* eará gillii.

Dán leat eatnagat vásihan das rájes go vuosttas biibbalat jorgaluvvojedje álbmotgillii dáppe Davvi-Eurohpas badjelaš vihtta čuođi lagi dás ovdal. Suoma reformáhtor Mikael Agricola adnojuvvo ovdamearkka dihtii suomagiela áhčin, dasgo son jorgalii jura odđatestameantta suomagillii fargga vihtta čuođi lagi dás ovdal.

Sii min gaskkas geain lea lagaš oktavuohta oððadárogillii, dihtet man deatalaččat oððadárogiela biibbal ja oððadárogiela sálmmat ledje. Teologa ja politihkar Berge Furre celkkii oktii, ahte dáistaleapmi oððadárogiela ovddas girkuin lei maiddái dáistaleapmi beassat rohkadallat ja oskut váibmogillii. Eai buot oððadárogielat olbmot dáhtton oððadárogiela girkuide, «ii olmmoš goit sáhte sárdnut Ipmiliin seamma gillii go olmmoš hállá gievkkanbeavddi birra,»! láhttestuvvui. Dáidet muhtimat nimmorit veaháš Biibbala 2019 dihtii maid. Davvisámegielas leat stuorra suopmanerohusat, ja soitet leamen muhtin sánit mat olbmo mielas eai heive nu vuohkkasit.

Martin Luther, gii jorgalii biibbala duiskkagillii, čálii ahte son guldalii olbmuid márkanbáikkis, bargolbmuid ja vuoras áhkuid, dallego galggai biibbalii gávdnat giela mii lei sihke áddehahti ja oahpis.

...

Sátni šaddá rumašin. Rohkos ja osku lea váimmu sárdni. Danne ferte maiddái árgabeaigiella, váibmogiella, čuodjat girkuin go mii rohkadallat Ipmila.

Váibmogiella. Mii dat lea? Dat lea dat man ii oktage sáhte mis váldit. Eai min ráhkkaseamos sálmmat máinnaš váimmu soaittágas.

Dan maid eai sáhttán mis váldit. «Čále Jesusa mu váibmui» dahje «Čále Jesus iežat gova». Dahje: «Mu váibmu álo vadjola» mii sálbmagirjji nummir 38:s maiddái lea julevsámegillii ja kvenagillii.

Guhkes dáruiduhtima historjjá maŋŋil, maŋŋilgo sámit ja kvenat leat giedhallojuvvon vuolitárvosaš servodatlattun, sii dihtet man deatalaš oamigiella lea.

Dallego lestadialaš morráneapmi ollii Kárášjohkii 1800-logu loahpas, de sárdniduvvui ja sártnoduvvui sihke suomagillii ja sámegillii. Daddjojuvvui: «Suomagiella lea oskku giella. Sámegiella lea ráhkisuodđa giella.»

Go áigu jorgalit, de ferte máhttit guktuid gielaid bures, sihke dan mas jorgala, ja dan masa jorgala. Nugo dadjen, Luther čálii iežas guldanan bargolbmuid ja vuoras áhkuid, go galggai gávdnat biibbalii giela, mii lei sihke áddehahti ja oahpis.

Ja nu fertet miige dahkat, guldalit iežamet siste: Dasgo maid mákset sánit, maid Johannes čálii álggus evangeliumastis? Álggus lei sátni – «Ja Sátni šattai *olmmožin / ja ásai min gaskii. / Mii oinniimet su hearvásvuoda, / hearvásvuoda maid Áhčči addá / áidnoriegádan bárdnásis. / Su dievva lei árbmu ja duohtavuohta.»*

Mii lea olmmoš?

Mii lea hearvvásvuhta? Mii lea árbmu ja duohtavuohta?

Mii sáhttit álkit šaddat oaivejorgásii ja jurddašit, ahte dás golget stuorra sánit meattá, stuorra sánit mat allin bajábealde min jierpmi ja almmá duođalašvuodđa áddejumi haga. Dasgo mii lea árbmu ja mii lea duohtavuohta?

De gal lea buorre go buot visot lea *eatnamastojuvvon* – vitkojuvvon – juonin man mii eambbo go dušše oadjut, namalassii olmmožin. Olmmožin, namalassii, geain lea rumaš, váibmu ja giella, sihke rumašgiella ja váibmogiella, duođai.

Earenoamážit Johannes lea čeahppi godđit ja goarrut Almmi Sániid Eatnama oktii. Johannes evangelumas čuožžu dávjá čállojuvvon su birra, gii njiedjá vuolás ja goargŋu bajás, dainna lágiin čadnojuvvo buiga olmmošlaš ja eatnanlaš čoavdemeahttumit giddalaga almmálaččain ja ipmilvuodđain.

Várra galggašeimmet das álgit, dovddiidusain maid máksá leat olmmoš ja lagamuš? Maid máksá *árbsmu* ja *duohtavuohta* dalle, midjiide ja earáide geaid mii dovdat? Dalle fertet mii dávjá muitališgoahtit muitalusaid, dakkáriid mat sámi muitalanárbevierus leat valjit, nugo nissona birra gii manai, ja dievdu gii bodjii.

Ovddit sotnabeaivvi ledjen ipmilbálvalusas bealjehemiid girku 125 jagi ávvudeamis. Bessen gullat ovddešáiggis, goas olmmoš gohčohalai čohkkát gieđaidis alde, dasgo dáru hállangielas dat lei árvu. Dál feasaimet ávvudit seavagiela ja seavapoesijain. Lea gelddolaš oaidnit, mo buot dajaldagat ja sánit bohtet mearkkaid bokte, dat fertejít olggos dákko (*čujuhan njálbmái*) ja rupmaša mielde.

Ja go mii háleštit, de galggašeimmet millosepmosit, juogo mii leat bealjeheamet dahje gullit, geahčat guđet guoibmáseamet čalbmeallodagas, vái oaidnit áddego nubbi, ahte hállat ovtta giela, nugo dadjat, ja vái áicat rupmašis ahte sánit eai leat gurrosat, muhto devdojuvvojít oaiviliin. Dainna lágiin dat sáhttet šaddat *váikkuhanveagalaš* sátnin. Mat guoskkahit váimmu ja álggahit juoidá min siste.

...

Mari Helander, Kampen sámi mánáidgárddi hoavda, muitala vuoinjastanbottas: ”Lávus lea áibbas jaskat. Dolla ruošká guovdu. Stuorra mánát velohallet iešguhtege duolji alde dola birra ja guldalit iešguđetlágan luonddu- ja spirejienaid mat gullojít smávva skájaniin, mat leat coggojvvon iešguhtege máná duolji vuollái.

Ollesolmmoš oahpista mánáid vuoinjastanbotta čađa masá fuomáškeahttá. «Sávnnjeheamet» molsašuvvá buđaldeapmi vuoinjasteapmin.

Lávus go geahčasta bajás, de sáhttá reahpenráigi veaháš sulastahttit suonjarbatnosa. «Katedrálas» lea allaáiggi miellaláhki.

Bealji go bidjala guolbbi vuostá ja veallá áibbas jaskadit, de sáhttá gullat stuorra, liekkus bohccováimmu ravkimin eatnan vuolde ovtta távttas mánáid váibmoravkimiin.

Lea Eana Min Eadnámet, mii muittuha min áittardit guđet guimmiideamet ja birrasiiddámet. Buot dát visot lea mis dušše luoikkas. Giitu.”

Sátni šattai rumašin ja «ásai min gaskii.» Greikka sátni ássat/ásaiduvvat lea duođai: «ceggat lávu» dahje «gohttet».

Eana ja albmi čuldojuvvojit oktii. Sivdnideaddji – Sátni álggus – cegge lávus deike min lusa.

Sátni lea Ipmilis ja lea Ipmil ja sus lea váikkuhanveagalašvuhta.

Biddjot mii buohkat sámi árbevieru mielde,
beljiideamet eatnama vuostá
ja gullot go Ipmila váibmu ravká luonddus ja buot das mii min birra
dáhpáhuvvá,
-juos dárkilit guldalit, de soaitit Jesusa duolmmastagaidge gullat, go son vázzá
min ovddas sin guvlui, geain lea bávččas ja geat gillájít.

Min oktavuođas jáhkán deatalažžan, ahte eat vajáldahte oktiigullevašvuoda eará álgoálbmogiiguin miehtá máilmomi, maiddái sii leat sivdniduvvon Ipmila govas, ja siige leat guhká šaddan ja ain šaddet dáistalit badjelfámu vuostá.

....

Ii leat sáhka rumaškeahtes árpmu ja duoh tavuođa *birra*. Lea sáhka *rumašin-dahkamis* sáni ja duoh tavuođa:

Árbmu lehkos duinna! Ale bala! Ráfi lehkos duinna!

Sátni lea boahtán min lahka, min váimmuide.

Dasa lea dušše cealkit: Gudni lehkos Áhčái ja Bárdnái ja Bassi Vuignjii, gii lea ja galgá leat okta duohta Ipmil agálašvuodas agálašvuhtii. Amen.

Álggus lei Sátmi,
Sátmi lei Ipmila luhtte,
ja Sátmi lei Ipmil.

² Son lei álggus Ipmila luhtte.

³ Buot lea šaddan su bokte,
ja almmá su haga
ii leat šaddan mihkkege das mii lea.

Su siste lei eallin,
⁴ ja eallin lei olbmuid čuovga

⁵ Čuovga báitá seavdnjadadas,
muhto seavdnjadas ii leat dan vuoitán.

¹⁴ Sátmi šattai olmmožin
ja ásai min gaskii.
Mii oinniimet su hearvásvoða,
hearvásvoða maid Áhčí addá
áidnoriegádan bárdnásis.
Su dievva lei árbmu ja duohtavuohta.